

21. september 2004

UKA2004/29

**Meeqqanik inuusuttunillu ikiorsiisarneq pillugu Inatsisartut peqqussutaata allangortinneqarneranik Inatsisartut peqqussutissaattut nr. xx, yy 2004-meertussatut siunnersuut**

**Saqqummiussissut**

(Ilaqtariinnermut Peqqissutsimullu Naalakkersuisoq)

**Siullermeerinnineq**

Aallaqqaammut maluginiaqqussavara siunnersuut nassuiaatitaalu aaqqitat 20. september 2004-imik ullulikkat agguaanneqarsimammata, siunnersuummut siusinnerusukkut agguaanneqartumut 3. august 2004-imi ullulerneqarsimasumut taartissatut.

Meeqqanik inuusuttunillu ikiorsiisarneq pillugu inatsisartut peqqussutaat maanna atuuttoq 2003-mi inatsisartut upernaakkut ataatsimiinneranni akuersissutigineqarpoq. Inatsisartut peqqussutaata kommunini atorneqarnerata takutippaa arlalialunnguanik amigaateqartoqartoq allanguutitut siunnersuutikkut matumuuna iluarsiiviginiarneqartunik.

Meeqqanik inuusuttunillu ikiorsiisarneq pillugu Inatsisartut peqqussutaata allangortinneqarneranik siunnersuutip matuma siullertut siunertaraa meeqqap inuusuttulluunniit tassanngaannartumik misissuiffigineqarnissaanik, angerlarsimaffiup avataanut inissinneqarnissaanik inissinneqarnerataluunniit attatiinneqarnissaanik pisariaqartitsisoqartillugu siulittaasup aalajangiisinaaneranut tunngavissarititanik erseqqissaanissaq.

Tassunga atatillugu tassanngaannartumik inissiisoqartillugu illersorteqarnissamik neqerooruteqartarnissap oqaaseqarsinnaatitaanerullu tassanngaannartumik inissiisoqartillugu sanioqqunneqarnissaa tulluarnepaavoq, tamanna inissiinermi pisunut naleqqiullugu pisariaqartutut nalilerneqarpat.

Erseqqissaatigineqassaaq ulloq unnuarlu paaqqinniffiit ingerlanneqarnerat 100%-imik kommuninit suliaasamat/nammatassaamat, taamaattoq Naalakkersuisut kommunit sinnerlugit suliaasaqarfimmi aqutsineq ingerlatalarlu.

Ukiuni kingullerni ulloq unnuarlu paaqqinniffeqarnermi suleriaasiusimavoq ukiumut tullermut ani-ngaasaqarnermut ukiorititaasumut aningaasartuutissatut missingersuutit 50%-iat kommuninut ataatsimoortumik tapiissutit 50%-imik annikillinerisigut aammalu ukiumut tullermut aningaasaqarnermut ukiorititaasumut

anigaasartuutissatut missingersuutit 50%-iat kommunit inissiisuusut akiliutissaannik akiliisitsiniaanikkut matussuserneqartarlutik..

Taamaalillutik anigaasartuutit ulloq unnuarlu paaqqinniffeqarnerup ingerlanneqarneranut tunngassuteqartut tamakkiisumik kommunit qaqugumulluunniit matussusertartussaavaat.

Naalackersuisut naapertuunnerpaatippaat kommunit akiliutissaannut anigaasartuutit suut ilaanersut Naalackersuisut nalunaarusiornikkut aalajangersaasinnaappata. Taamaattumik inatsisartut peqqussutaanni akiliutigineqartartoq pillugu nalunaarusiornikkut aalajangersaanissamik piginnaatitsissutip ilanngunneqarnissaa Naalackersuisut siunnersuutigaat.

Naalackersuisut paasilersimavaat oqaaseq "sumiginnagaasimasunut" peqqussutip kalaallisoortani § 18, imm. 1-imi amigaataasoq, kukkunerlu matumuuna allannguuteqartitsinissamik siunnersuutikkut aaqinnneqarnissaa kissaatigalugu.

Misileraanerit aammalu meeqqanut inuusuttunullu isumaginninnikkut perorsaanermi neqeroorutit immikkut ittut Naalackersuisut akuerisussaavaat. Ullumikkut ornittakkanik paaqqinnittarfinnillu imminnut pigisunik peqarpoq isumaginninnikkut perorsaanermi immikkut siunertaqartunik, misile-raanerilli isumaginninnikkullu peroarsaanermi neqeroorutit qanoq ittut akuerisassanngorlugit qinnutigineqarsinnaaneritut killiliinissaq pisariaqartinneqarpoq. Taamaattumik siunnersuutigineqarpoq aalajangersakkanik erseqqinnerusunik aalajangersaanissamut Naalackersuisut piginnaatinneqassasut

Aammattaaq Naalackersuisut siunnersuutigaat § 37, imm 3 peerneqassasoq. Siunertaasimanngisaannarpoq Naalackersuisut paaqqinniffinnik sanaartornermut ingerlatsinermullu tapiissuteqarnissamut oqartussaaffilerneqassasut. Oqartussaaffeqarneq taanna Inatsisartuniippoq. Taamaattoq Inatsisartut taamatut periarfissaqartuaannarput, taamaattumillu aalajangersagaq pisariaqarani.

Siunnersuut KANUKOKA-mut kommuninut tusarniaanissamut qinnuiginninnertalimmik, suliatigut peqatigiiffinnut, soqutigisaqatigiinnut susassaqtunut kiisalu Namminersornerullutik Oqartussat iluanni tusarniaassutigineqarsimavoq.

Tusarniaanermi akissutit inaarutaasumik peqqutissatut siunnersuummi ilanngunneqarsimapput.

Siunnersuut allaffissornikkut anigaasaqarnikkullu annertunerusumik sunniuteqassanganneqangiilaq.

Taamatut oqaaseqarlunga Naalackersuisut siunnersuut Inatsisartunut oqaluuserisassanngortippaat.